

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

13

T 3205/3142.82

江都縣志卷之十六

試江南揚州府江都縣知縣 臣 陸朝璣奉

有編輯

人物志三

列女五百三十一人 附三十三人各傳內附載者未列其數

三國范姬廣陵范慎女年十八歸郡人孫奇一年奇亡

慎以姬少寡無子迎之不肯歸迎者以父命逼之姬遂

操刀割耳及鼻迎者驚奔告其父乃止 嘉靖惟揚志

晉華母廣陵人黃門侍郎華誥妻晉秘書監華譚母也

譚期歲而孤母年十八守節鞠養備至譚舉秀才廷對

江都縣志卷之十六

哈佛大學漢和圖書館珍藏印

試江南揚州府江都縣知縣臣陸朝璣奉

旨編輯

人物志三

列女五百三十一人

附三十二人各傳內  
附載者未列其數

三國范姬廣陵范慎女年十八歸郡人孫奇一年奇亡  
慎以姬少寡無子迎之不肯歸迎者以父命逼之姬遂  
操刀割耳及鼻迎者驚奔告其父乃止

嘉靖惟揚志

晉華母廣陵人黃門侍郎華誥妻晉秘書監華譚母也  
譚期歲而孤母年十八守節鞠養備至譚舉秀才廷對

第一官秘書監以文學見稱人以爲母教云

晉書

北齊顏氏揚州獄吏妻也姿色絕人太守聞而奪之遂自刎死今相傳顏小娘子塚是也

嘉靖惟揚志

陳徐母廣陵人徐靈禮妻室焚冒火救其兒與俱焚死太史劉峻以聞詔恤其家

嘉靖惟揚志

隋元氏河南人華陽王楷妃楷被幽廢妃事之愈謹江都之亂宇文化及以妃賜其黨元武達武達初以宗族置別所後因酒醉逼之妃不從武達撻之百餘辭色彌厲因取甕自毀其面血淚交下武達將釋之妃曰我不能早死罪也因不食而殞

隋書

按萬曆縣志以隋元氏暨宋王令妻吳氏謝枋得妻李氏趙淮妾某氏元朱某妻費氏皆非江都人竝不載但秩官名賢以身殉茲土者例得入忠節傳倘烈婦以非土著遺之失表幽之意矣且婦人以從夫爲重則元氏吳氏李氏趙氏之妾及費氏義皆得書故仍採史書暨嘉靖惟揚諸志收入至舊志所載上官昭容有才無行今汰之

唐魏氏揚州人樊彥琛妻彥琛病魏泣曰妾不忍君獨死彥琛曰死生常道也幸養諸孤使成立若相從而死非吾取也彥琛卒後值徐敬業起兵聞魏氏知音召令

鼓箏魏曰夫亡不死奚忍操絃引刀自斷其指軍伍欲強妻之固拒不從乃以刃擬魏頸曰從我者不死魏厲聲曰狗盜乃欲辱人速死吾志也遂見害聞者傷之

唐書

温氏揚州人北海太守李邕妻邕坐法下獄流嶺南温為邕請戍邊自贖辭甚懇切表入不省

唐書

周迪妻亡其姓迪善賈往來廣陵會畢師鐸亂人相掠賣以食迪饑將絕妻曰今欲歸不兩全君親在不可并死願見賣以濟君行迪不忍妻固與詣肆售得數千錢以奉迪至城門守者誰何疑其給與迪至肆問狀見妻首已在斫矣迪裹餘體歸葬之

唐書

露筋女年代姓氏俱莫考偶行役與嫂俱昏黑託宿無所道旁有耕夫舍嫂止之女堅不就宿於野外為蚊蚋所嘍而死曉視其筋露焉人哀之因為立廟河側宋米芾有碑記

嘉靖惟揚志

五代明媪廣陵人先選入吳王宮中吳亡嫁牙將李廷梅珠翠服飾頗極華煥繼姑悉收之媪一無恨布素粗淡而已姑箠楚日至毫無怨言或以姑暴酷為言荅曰新婦鄙拙不能奉順耳終不改初志太平興國中郡守改其里曰崇孝

嘉靖惟揚志

宋李氏廣陵人逸其夫姓逾期喪舅姑相夫葬祭盡禮

夫以貿販爲業晨出暮歸李必告以母求不義之財夫感其言人以爲長者淳化中夫亡服滿其家欲嫁之李礪刀截髮乃止

嘉靖惟揚志

孟氏揚州人大理寺丞魯有儀妻夫亡守志墓夫親屬凡七喪元祐間揚守臣以聞詔封旌德縣君

嘉靖惟揚志

吳氏臨川人年二十四歲歸布衣王令未及一年而令卒遺腹一女其兄欲奪而嫁之號泣弗許歸老父母之家屏跡田桑以事兄嫂荆釵布素不事塗飾三十二年在本縣黃池陂獨居掌治陂事每歲農隙修治堤堰蓄水灌田利及一方一方之人循稟教令子弟有不率者

自攜檣楚以求治罪特詔賜絹一十匹米一十石後以

壽終

宋史

榮氏蕤女弟也自幼讀論語孝經能通大義事父母孝歸將作監王簿馬元穎建炎二年賊張遇寇真州榮與其姑及二女走惟揚姑素羸榮扶掖不忍舍俄賊至以兵脅之不從賊怒傷其姑殺其乳媪脅之益急榮叱曰天下豈有無義而存者我雖婦人不求苟免賊又殺其女欲取以行榮遂自刃其脇厲聲詬賊而死

一統志

蔣氏揚州人李易母也易以建炎戊申狀元授僉書江陰軍判官三年金人南侵守臣胡紉遣將拒敵且諭易

曰吾曹義當死城守君有母宜亟避之易歸告其母母曰我去則汝必無堅守志死生當與汝同之聞者感泣既而敵知有備亟引去

嘉靖惟揚志

晏氏臨川晏孝廣之女年十五有美色建炎三年金兵至揚孝廣爲揚尉死之晏爲兵所得欲妻之卽刎頸求死金兵感而釋之

明南畿志

李氏謝枋得之妻也通女訓孝舅姑奉祭待賓皆有禮枋得起兵守安仁兵敗走閩中元人購捕其家李攜二子匿貴溪山中採草木而食元人下令曰苟不獲李氏屠而墟李乃出就縛送江淮行省拘揚州獄中時將沒

入李聞撫子泣曰若輩生還鄉里善事吾姑吾不得終

養矣是夕解裙帶自經獄中死

宋史

趙淮妾失其氏淮旣殉屍棄未殮氏號哭江濱求得其屍焚之收其骨抱以投江死

康熙府志

元費氏名元琇上海人歸廣陵朱氏至正間從宦江陰屬世亂歸寧丙申苗軍亂城陷賊見元琇露刃欲犯焉元琇死拒奮罵曳之琇爪入楹間罵愈切苗怒剗之義

聲動吳中

嘉靖惟揚志

翟氏廣陵人年二十三爲江浙行省左丞潘元紹妾至正間元紹將戰豫召翟與其他姬六人者謂曰脫有不

江都縣志 卷十一 五  
諱若等將事他人矣諸姬曰主公遇妾厚妾終無二心  
遂趨入室相繼自經死元紹哀而瘞諸後圃溥陽張羽  
爲作七姬墓志 嘉靖惟揚志

明高氏府學生戴和妻和應永樂甲午鄉試被放還至  
城南慚憤投水死高誓欲同殉親戚與其姑勸止之一  
日紹云歸寧詣夫沉處號慟投水死詔表其門曰貞烈

明南畿志

闕氏馬氏皆江都人闕適管賢馬適管哲賢哲爲同母  
兄弟二氏事姑至孝賢疾卒闕年二十六遺孤襁褓失  
明父母欲奪其志闕曰女心已死但身存耳非姑老子

幼則與良人同歸地下矣未幾哲亦卒馬氏年二十一  
未有子姑以其年少使再適馬泣涕不從姊姒相與紡  
績養姑遣瞽子學星卜及姑終喪祭盡禮知府陳貞奏  
旌其門爲雙節 明一統志

左氏左彥達女適劉得爲順義尉逾年得卒左氏年二  
十六携孤扶柩南還守節以終宣德元年旌表 嘉靖惟揚志

楊氏教諭楊寧女適李鉉鉉亡楊年十九孝事寡姑孀  
居四十四年知府吳嵩以聞弘治二年旌表 嘉靖惟揚志

牛氏薛寬妻寬爲臨海令無子卒牛年二十九族人強  
之嫁牛卽赴水强者乃止四十餘年針指引日而已事



聞詔旌其門 明一統志

李氏揚州府學生章鑑妻夫亡李年二十四遺孤繼生

甫八月誓死自守事祖姑羅姑朱皆以孝聞孀居四十

八年正德十六年禮部奏表其門 嘉靖惟揚志

姜氏蔡熾妻熾亡姜年二十八遺孤圻甫兩歲守志三

十餘年教圻成立正德間圻走京師乞旌詔表其門 嘉

靖惟揚志

褚氏金鑾妻鑾沒褚守志五十年正德間旌表 嘉靖惟揚志

殷氏女年十八周氏女年十七俱瓜洲人靖難兵從瓜

洲渡江得二女欲污之二女抱持並赴水死嘉靖間里

人趙鶴白於郡併趙淮妾立三烈女廟祀焉 嘉靖惟揚志

殷氏殷安女也許某氏子為妻未行某氏子歿殷聞訃

閉戶自縊死父歸其尸合葬焉 嘉靖惟揚志

姚氏趙彥良妻彥良解官鈔赴南京遇盜死江中姚具

良衣冠至江邊招魂以葬魂帛若有物墜其末持不能

起人異之葬畢守節不出中門者六十年 嘉靖惟揚志

曹氏萬廷璋妻廷璋歿曹年十九遺腹生一女其姑憫

之命再適曹斷髮誓節至八十二而終編修楊守陞為

立傳 嘉靖惟揚志

胡氏婦江都農家女也失其姓嫁同邑胡生生補郡弟

子員性情廢學遇婦多不以禮尋歿舅姑憐婦少無子將嫁之使其父母往勸不從舅姑詬曰若夫以奴視若奚念不嫁向夕婦遂自沉水死

嘉靖惟揚志

陳氏劉全妻年二十七夫亡撫幼子章備嘗艱苦守節五十四年嘉靖間知府易瓚為請旌命未下而卒

嘉靖

惟揚志

葛氏臨淮葛欽女適江都王文玉生二女文玉死葛哀

慟觸棺仆其母李氏救之甦遂困臥五月歿

嘉靖惟揚志

邱氏適任銘銘卒遺孤淮方襁褓撫之成立淮又故復撫孫女甘貧守節四十餘年依姪淵以終嘉靖十二年

巡按御史張惟恕旌其門

嘉靖惟揚志

王氏少許聘金珊珊病歿至其家視歛哭泣盡哀服闋誓以死守晚家落其姪迎養年踰六十猶處子也

明南畿志

陳氏李軫妻軫卒陳年十九守節五十八年楊氏李輅妻輅卒楊年十八守節六十三年二氏皆無子依姪李

彥鐘彥鐘卒妻周氏撫遺孤滋三節萃於一門巡按御

史表其門

嘉靖惟揚志

袁氏邑諸生張玠妻玠溺死袁年二十九一女甫五歲

一女遺腹撫二女入室矢操四十三年

嘉靖惟揚志

郭氏王軾妾軾卒郭年二十五遺孤奎甫三歲郭孀居

二十五年保孤成立巡按御史旌之 嘉靖惟揚志

張氏攸縣尹張曦女適揚州衛劉杲杲卒無子有顯者

求為繼室力拒不從後家貧歸依母弟年七十六卒巡

按御史表其門 嘉靖惟揚志

陳氏揚州衛王錦妻年二十六而寡守節三十年教子

成立年五十六而終 嘉靖惟揚志

呂氏適廖允修允修客死西川呂年二十二子富方晬

呂育孤孀居四十六年知府孫蕃志其墓 嘉靖惟揚志

李氏邱儀妻儀早卒李年二十四無子女依其伯俊以

居年踰七十始歿 嘉靖惟揚志

張氏監生紀世林妻夫亡時年二十四事姑張氏極孝

撫孤子文光成立守節五十餘年巡按屢旌其門 嘉靖

惟揚志

沈氏廖越妻越卒沈與妾馮氏張氏共守節里中火將

延及其家隣嫗請出避之三氏曰死則共此室耳俄而

火止 萬曆府志

虞氏諸生張齡妻齡歿苦節撫孤五十餘年嘉靖間旌

表 萬曆縣志

徐氏女許配淮安庠生朱某未行而朱亡女成服於家

問其殯日沐浴縊死朱氏歸其柩與夫合葬焉 萬曆縣志

鄭氏名其倫嫁高郵庠生崔士俱嫁三日俱以暴疾歿  
葬偃前一日鄭櫛沐更衣夜半反戶縊死時年二十一  
萬曆縣志

許氏劉昊妻孀居六十年卒子棟滑縣尉繼成庠生孫  
惟珍寶坻縣尉人謂天以報許云  
萬曆縣志

王氏賈達妻達亡王與妾林氏俱少林一子王共保育  
之子娶婦復天又共撫孫成立姪賈必成亦早歿妻劉  
氏年十九撫孤日章稱一門三節  
康熙府志

蔡氏歸沈夢麂三年而寡子洪禮甫生鞠育盡瘁五十  
年洪禮篤孝嘗藥廬墓事聞建坊旌之仍復其家  
康熙府志

孔氏邑諸生葉襄妻姑卞氏病晝夜侍湯藥姑歿號不  
絕聲而絕宗黨咸稱其孝  
康熙府志

王氏張綵妻年二十九綵死誓志苦節年七十五卒巡  
按史堇表其門  
康熙府志

蘇氏太學生汪恕妾生子鑑恕病革蘇割臂療之刀利  
自腕透臂負創甚恕病愈而蘇死華亭陳繼儒傳其事  
康熙府志

喬氏武舉史良輔聘為繼室未及娶良輔卒喬聞訃誓  
以身殉姑迎之歸慰之曰吾子有孤爾撫之不愈於輕  
生乎喬乃依姑以居課子著勲誦讀不輟年六十而歿

直指唐世濟旌之曰貞女立碑墓前

康熙府志

徐氏李文元妻適李一載卽孀遺孤方匝月苦節自勵

歷六十餘年

康熙府志

程烈婦胡尚絅妻尚絅嬰危疾婦刲腕肉療之不能咽而歿婦不食求殉時有身或勸之得男可不絕夫祀因復食彌月果生男又一年兒殤卽前謝翁姑曰媳不能常侍奉矣復絕食姑撫之曰爾父母家二百里中胡不一俟面訣婦曰可日飲米瀋一匙以待其父母遣幼弟至婦曰是卽可白吾志自是滴水不入口姑向之泣婦勸以無泣徐簡匱中簪珥散家人并鄰嫗復日向曾刲

肉救夫夫不可救以灰和之置牀頭願附吾左腕以示

全歸遂卒

本傳

宗氏年十七歸儀徵諸生杜竟登爲繼室舉一子葵方歲餘竟登歿家極貧窘日營緝紉以供晨夕教葵方讀

書成立

康熙府志

蘇氏張誠妻誠歿蘇守節數十年

康熙府志

呂氏劉與期妻幼刲股救親及嫁與期早世呂奉姑養

志撫兩孤有成年八十五卒

康熙府志

曾氏襄愍公銑孫女兵馬司副指揮楊九重妻氏初歸侍姑楊癩疾衣不解帶九重歿遺二孤俱幼氏獨持門

戶又兩世舅姑及九重庶母二人死喪相繼子娶婦多前死氏任祭葬悉如禮砥節三十七年年七十三而卒巡按御史表其門 王巖異香集

韓氏丁光復妻復死韓年二十四誓節撫孤年七十卒 康熙府志

王氏監生謝銑妻銑亡王年二十八竭力奉姑育子織絰以給守節六十一年曾孫九成元孫旭皆列邑庠卒年八十九 舊縣志

陳氏事繼母以孝聞及笄適姜起周三十而寡苦節四十年仲子士望成進士封安人鄒元標為作傳焦竑銘

墓 舊縣志

宗氏女訓許婚陳必堯倭寇之變陳遇難女年十八奔喪成服守貞四十年有司上其事勅建坊仍復其家 舊縣志

縣志

李氏名如芷王之麟妻於歸八月之麟卒於京邸李扶

柩歸以死自誓不食卒事聞建坊旌表 舊縣志

倪氏丁元素妻夫早歿守志不二壽至一百四歲 舊縣志

張氏太學生劉先甲妻先甲早歿張撫孤成立鬢經終

身 康熙府志

姜氏蕭文盛妻文盛死家貧姑令再醮姜言有娠三月

幸生男以承蕭氏祧不則相從九原必不辱吾夫也果生子苦育有成

康熙府志

高氏劉世統妻于歸二載世統歿高年十八守節撫嗣子含章成立年八十卒

康熙府志

馬氏監生于應登妻應登歿馬年二十九遺四子二女撫育盡瘁五十餘年

康熙府志

潘烈女小字芝兒年十四崇徵甲申高傑兵肆掠揚境避亂曠野中一健兒執之女詬詈激怒以祈死兵不忍殺至河干佯爲繫履遂赴水死

康熙府志

方氏貢生方復初女歸武舉趙君謨君謨歿方年二十

八撫二孤襁褓中姑瞽孝事克謹乙酉城破自縊孫有

成歲貢生

康熙府志

樊氏汪承祖妻承祖歿氏緝繡撫孤十餘年值兵至以線密縫其裳赴井死

康熙府志

游氏陳王宁之妻王宁死氏斷髮自矢撫孤成立揚州破或勸乘夜可出城游謂女不夜奔况吾孀婦乎偕幼女投井死

康熙府志

張氏邑諸生周廷德妻廷德歿張撫育熒孤以針紉自贍值城破偕三女投井死

康熙府志

吳氏太學生程宇妻乙酉城破舉家匿地窖中閱三日

被獲宇與二子俱死季子汲年十四亦被傷吳摯兩女奔鄰舍投水死

康熙府志

孫氏邑諸生李正開妻城破孫氏不辱遂先自盡子品奇名諸生孫清仁康熙壬戌進士

康熙府志

蘭氏江都孫道升繼妻其前妻女曰四蘭所生女曰七皆嫁古氏次曰存孫女曰吳皆未嫁其弟道乾道新並先卒道乾妻王氏子天麟妻丁氏道新妻古氏其從弟子啓先妻董氏江都之圍諸婦女各手一刃一繩自隨城破吳先縊死蘭時五十四矣或曰母老可無死弗聽引繩自縊繩斷墮地不死再縊一卒至揮刃斷繩不死

兵去又縊乃死王氏丁氏方縊會卒至急走匿夜相持投舍後汪中死古氏亦五十四守節三十年頭盡白投井衆止之弗聽遂死有女嫁於吳生女曰睿方八歲適在外家從死於井董氏居僻室念卒且至以帶繫門樞縊死存病足力疾趨井旁投井死董氏之娣有祖母曰陳氏方寄居與董氏同處僻所及孫之婦女皆死陳氏亦自縊死四與七同縊於牀四死七素壯不死強其婢以手扼喉乃死同時有張廷鉉者妻薛氏城破自縊死廷鉉之妹曰五遇卒鞭撻使從已大呼曰殺卽殺何鞭爲遂殺死

王巖異香集



錢女名淑賢丹徒人隨父述古家於江都與外家卞氏女比鄰相得乙酉城破與卞女同死而淑賢死尤烈

康熙

熙府志

兩張氏一江都人爲監生史可學妻一江寧人爲可學妾可學歿兩氏共撫所生子女工自給歷十數年子皆成立孫大典大臣大儒俱補郡邑諸生乙酉城破大儒之兄大相自縊死大儒衣冠拜辭其父抱兄屍同縊

康熙

熙府志

孫氏諸生張靖妻乙酉揚城破孫見執不屈一卒怒將刃之已及頸憫其老而止復與一鄰婦俱匿數求死鄰

婦止之越宿鄰婦又執去孫死志益決墜井若有負之者不死有被俘者過聞井中人聲俯視之孫急以頭沒水衆識之曰母老何患軍中惟索少者耳因以繩引而上藏之破屋中留飯食之去居二日兵復至孫又投井忽數卒至垂絙下視曰老婦頭已禿何畏爲復引以上一老婦爲易衣遂不死後十六年卒二子瑾琬瑾舉於

鄉琬食餼學宮

康熙府志

程娥諸生程煜節妹未字城圍以死自誓與叔母劉約各以大帶置袖中城破女理髮更衣再拜別其母遂縊死劉有女甫一歲啼甚慘劉乳之復以糕餌一噐置女

側乃死劉妯娌鄒氏胡氏亦同死女之祖姑適林者投井死姑適李者遭掠給卒至井旁大罵投井死時稱一

門六節 本傳

蕭氏諸生韓默妻揚州城破時默墜井死蕭氏謂子彥超曰汝長子父死當隨左右彥超曰諾亦墜井死蕭氏乃結纒於梁立視長女就縊既絕乃抱幼兒魏乳之既乳置兒於地整衣拜老嫗曰韓氏一綫惟此而已善撫之俾韓有後汝賜也必冥祐汝乃自縊 王巖異香集

丁氏字景姒丁半千之女幼通經史知大義適文學薛友龍舉一子遭亂龍死丁携子明遠投智井中家人引

之上明遠已死丁曰吾繼而上者為存薛氏孤也孤亡

吾何生為復入井死 康熙府志

瞿姑貢生瞿之秀女許字文學焦賡泰未嫁城破請於父曰予處子也倘強暴見及死悔晚矣遂自縊 康熙府志

鄭氏郡諸生吳爾成妻兵部鄭元勳妹也事舅姑孝謹

甲申鄭奉姑避亂吳門其兄僑寓金陵迎鄭歸寧辭曰

吾寧與姑同患難忍獨處樂土耶繼返郡遭兵投金魚

池死 康熙府志

蕭氏趙時雍母姚氏時雍妻乙酉城破時雍自刎死其母及妻併二女俱相繼自縊 舊縣志

楊氏歸諸生曹復彬城破復彬中創仆地楊匿破屋中長女菑文年十四趣母決計次女菑紅年十二請更衣死楊止之復彬執不可乃爲三縗次第而縊

本傳

甯氏歸李蘧甫三月蘧死於兵甯蠶績易炊以養舅姑苦節終身蘧弟薌妻王氏遭難死井中薌弟芑妻彭氏生一子方在襁褓芑早世彭泣守一孤兵至自刎有老嫗救之傷喉不死見者憫之順治五年御史李嵩陽旌

其家

康熙府志

馬氏宋朝相妻城破率子之儒妻張氏次子之俊妻馬氏避舍後小屋曰我爲宋氏婦三十年死分耳汝輩尚

少各有母家以不舍我故至此兩婦抱姑嗚咽握手連袂共赴河死後之儒登順治己丑進士

康熙府志

張氏歸史著馨年二十六而夫亡後城破撫其子泣曰嚮也撫孤爲難今也全節爲大兒其善圖之吾不能顧矣遂赴水死

本傳

謝氏邵允謙妻城破允謙爲亂兵所害謝聞卽蹈火自焚死

康熙府志

沈氏宋朝柱妻城破欲自縊慮不卽死投舍後河中死幼女十一歲亦從溺焉

康熙府志

蘇氏倪士俊妻蘇光達之妹也士俊死蘇年艾無子乙

西揚城將破蘇具酒楮泣奠其夫曰吾久欲死所不即死者為服未除也今不可待矣遂投井家人縋之起翼日復投井死

康熙府志

賀氏歸王某夫亡子亦先歿遺孫二陽甫三歲值亂攜

孫避地村落間不火食常至彌月人咸服其苦節

康熙府志

張氏幼字高魁未嫁魁為亂兵所殺張年十三至魁家

成服踰年城破張抱魁木主自縛呼家人縱火焚之其

姑及二小女一青衣俱赴火死其翁高士遇亦躍入烈

焰中

康熙府志

史烈婦者湖廣叅政啟元之女姪也適邵伯鎮人馮上

銓甲申高傑兵駐揚州縱兵四掠烈婦避居田間會五

月五日姑欲携幼子竝烈婦歸烈婦重違姑意隨姑行

傑兵突至欲犯之烈婦給以取金遂躍河水死直立水

中面如生烈婦姊適王聖明嫁未三月夫卒時年未二

十守節凡六十年而卒

康熙府志

邵氏牟君寵妻奉寵母以居大兵至以子付寵曰聞

兵不殺佛子可將此子為沙彌以存牟氏一脉我與姑

存亡與共也君寵携子出邵佯作腹痛須熱水熨之其

姑往熬水邵乃解所繫絛截為二分左右上下懸之梁

自就右而下者縊焉姑得熱水至邵已絕見左纒曰此

江者縣志 卷一  
待我者也遂投入同死後兵入買二櫓殮之乃卽其外甥也

康熙府志

鄭氏女侍御爲光妹也幼字諸生程起善溺死女聞飲泣數欲自盡父母見其志不可奪乃歸之程氏爲立嗣子值夫忌泣奠絕粒而死年十七御史李嵩陽旌之

康熙府志

夏氏汪應英妻應英休寧人授徒江都客安東以死夏適應英甫一載聞訃哀慟水漿不入口七日而死

康熙府志

劉氏年十四歸史筆載十二年而夫卒家故貧撫孤大成大誥紡績以供薪米年饑衣食弗克守節無二乙酉

城破大誥受重創劉持之泣有卒見其髮皤然聲哀慟以一旗置其門遂獲免孀居五十三年年七十九而歿

康熙府志

程氏朱元德妻嫁甫逾年夫歿視舍殮畢卽投繯死有

祠便益門內

江南通志

王氏井達妻乙酉城破掠於兵與所生小女分散囑同難隣婦曰汝見吾女乞代我推之水中乃自刎

江南通志

卞氏岸生范駿妻施氏駿妾卞年二十六施年二十四駿亡各有遺腹各生一男卞守節三十三年歿施守節六十二年歿

江都縣志 卷十六 人物志 二十九  
許氏袁秀甫妻乙酉城破氏闔戶自經

張氏卞時瑗妻乙酉 大兵至瓜洲高傑欲遁縱兵掠城內氏懼辱自經未絕復趨水溺焉劉氏卞時璧妻亦自經鄰媪解之復自刎死

夏氏尤世澤妻乙酉城破氏避兵入文廟東廡卽自縊子國士邑庠生

姜氏黃士擢妻乙酉城破氏於其室爲兩縵先命十歲女官姐投之俟其絕乃自投一縵死

王氏諸生史袁妻乙酉兵入揚城氏欲死袁止之曰吾聞有令不殺王曰焉有城破而不辱婦女者乎遂抱子

投水死

鄧氏周再竹妻乙酉城破投井死

王女生員尤時中妻乙酉城破王氏於室中爲兩縵呼女曰汝年已十六苟活卽辱矣令先投一縵俟其絕乃自縊

邵氏尤守常妻乙酉城破携七歲女匿複壁三日乃出見血流屍積遂慟哭墜樓腦破足折女扶臥於床未幾蹶然起謂女曰夜夢汝父爲我治足已愈矣乃步出城三里至祖墓拜辭投塘水死守墓人以葦箔裹之葬祖墓側後子世傑歸具槥改葬有藤纏絡箔外厚數寸不

江都縣志 卷一六  
可斷劊乃止

唐氏監生李文炳妻孫氏文炳妾唐年二十五孫更少俱寡繼一子亦夭姪孫上迎養之乙酉城破唐與孫俱投宅傍一窪水死週身衣皆密縫焉及上歿妻郭氏亦守節四十餘年

朱氏景自潤妻高傑兵掠邑東鄉入潤家欲犯朱氏氏大罵不屈遂被殺自潤妾王氏賊強挾之上馬出門躍下觸槐死賊復斷其頭去

常氏字景于忠而未嫁高傑兵入其室氏在爨下執一鐵叉拒之義方熾賊不敢近旣而義稍冷賊直前逼氏氏舉叉擊賊傷項賊亦砍氏斷其臂後仍歸于忠偕老以歿

羅氏庠生史著直妻乙酉城破羅自割兩耳投宛虹橋下死

郭氏瞿之俊妻乙酉城破舉火自焚死長子存直早歿婦姚氏年十九矢節至年八十次子維新亦早死婦蕭氏年二十四矢節至八十有三

吳氏閔德祚妻乙酉城破祚遊學未歸氏以兩幼子托老僕婢持去將投門外水中會兵猝至欲犯之不從加以刃被七創仍投水死

江都縣志 卷一  
吳氏庠生闕荆門母同荆門妻王氏妾唐氏俱於城破時自縊

何氏錢肖林妻乙酉城破肖林死氏年二十七有子邦華七歲懼辱自縊

王氏胡天生妻乙酉城破走入後魚池抱石投水以死  
馬氏孫顯吾妻乙酉城破投井死

李氏羅仁美妻乙酉揚城破氏與其嬸劉氏妾梅氏李氏女宦姑婢菊花同抱薪集樓下舉火登樓焚死時仁美已刃斷二指定後尋收遺骨聚一處瘞之

趙氏薛文甫妻年二十一值兵文甫被傷氏恐汚自縊

墳在興教寺前

顧氏卞日輪妻夫早卒氏守節撫孤乙酉城破氏自縊樓中

湯氏盧啓元妻生一子鴻漸乙酉城破夫亡氏乃置寶玉懷中曰吾愛其瑩潔無瑕也又懷書契曰吾不欲亡先業也遂投井死時年二十其後鴻漸早歿妻崔氏亦撫遺孤守節凡三十八年

賈氏生員劉師晏妻會兵至師晏遠出氏投門外水死  
車晚英諸生鳴鑾女許字甥李之珙及兵至珙被難時女隨祖官太平署聞訃絕粒死



惠氏李友槐妻槐早夭氏矢節撫孤兵至自縊死弱女甫十歲先自刎不死復縊於母旁

史氏張國華妻乙酉城破夫挈子出避史廼積薪坐其上縱火自焚死

柳氏李芳榮妻乙酉城破氏自焚子綦歸見其母焦灼待斃猶張目曰汝勿嚎我死爲名節也目遂瞑

余氏周士獻妻值鼎革夫遠出氏曰姑老子幼何敢死然懼傷名節乃自縊

常氏適孔某兵至被掠氏藏利刃衣袖中自刎死

吳氏羅先聲妻兵至自縊死

魯氏張嗣祥妻乙酉城破先一夕氏同媳桑氏及家人以薪堵門舉火悉自焚死

吳氏羅震初繼配乙酉城破氏自經死

吳氏汪履吉妻乙酉城破投廣儲門河死年二十五

閻氏舉人劉有學妻婚三年而寡氏撫嗣子銷龍補諸生未幾銷龍逝妻張氏孝事孀姑乙酉城破張引剪自刺不卽死縱火自焚亦不死以絮蒙頭死水缸中閻氏守節六十三年歷八十有二卒

杜氏褚拱辰妻乙酉城破兵入室掠之去氏抱庭前槐樹不肯行兵曳之不動亂刀斫之旣死手抱樹尚牢不

可解收者異之

車氏庠生李友桂妻顧氏崔氏俱友桂弟婦乙酉城破同日闔門死

戴氏仇三捷妻守節六十年

胡氏井三才妻三才歿胡年二十九守節三十五年

青年寡居白首全節者有金鍊妻陳氏蔡金妻蔣氏許

鏊妻周貞卿周鸞妻鍾氏火鉞妻葉貞淑羅爵妻王氏

張瑤妻杜氏高第妻嚴氏俞采妻周氏妾火氏孫鶴妻

沈氏胡宗洛妻李氏卞景妻高氏張應麟妻盛氏黃震

妻高氏楊炫妻王氏劉琮妻涂氏

以上萬曆府志所列無事跡可考者今依原本彙

載

國朝張氏林廷棟妻年二十三而寡遺子中桂六歲姑衰

老織紉供朝夕姑歿竭力營葬教子經史子順治乙酉

舉人授韓城令奉母往每誠為清白吏年逾八十卒

程氏職方鄭元勳繼妻元勳被難程年二十三號慟携

五歲兒於戎馬中請得倡亂者誅之事平長齋苦節歷

五十九年年八十一卒

郭氏顧文煥妻乙酉城破煥殉難氏年二十二撫孤堅

守顧氏賴之以存卒年七十餘

王氏邵伯戴軻妻軻早逝遺孤襁褓且多病氏年二十四抱子泣禱誓與子俱存亡後教子有成年七十有七汪氏江都諸生蘇光達妻性端嚴通書記光達死屬汪曰吾賫志歿牀頭書以遺吾子庶竟吾志汪泣許之歷三十年足不越戶限日傭紉以給薪米餘市紙筆以教其子字字作文必授版坐几側文成取視一不中則涕泣罷食字由是力學知名

李氏汪如江妻幼失父母既嫁事舅姑惟謹乙酉揚州圍氏慷慨指樓下井語夫曰此畢命處也及城破遽赴井兵既去家人以縋繩出之竟不死課子耀麟懋麟皆

以文行著氏茹素五十餘年封孺人以壽終

葉氏侍郎葉相孫女也年十七歸徐立政甫期歲舉一子立政早逝家故儒素葉養姑撫幼苦節四十年

閻氏羅維卿妻方伯閻士選女氏年二十維卿亡無子返依母家或勸其改操毅然謝之兄汝栢嘉其志以幼子爲之嗣母子窮苦相依四十餘年卒

姜氏夏起魁妻氏年十七歸起魁閱十載大兵臨揚起魁從高郵歸至東關被難遺一子應乾甫九齡氏乃蠶績撫孤苦節四十餘年

程氏汪潛蛟妻年十九潛蛟死遺孤甫五月乳絕以粉

糜哺之不食氏泣曰吾不卽死望孤長成今無乳孤必死是天欲絕吾也以頭觸柱流血乳遂湧守節五十年訓其子成立孫洋食餼有名

薛氏郡庠生于天佐妻事舅姑盡禮生三子一女甲申兵亂大佐卒於旅氏於流離中備嘗艱苦教子成立殷氏蔡天瑄妻兵亂蔡曰若苟得免幸保我遺孤瑄果死後殷承夫志苦節六十三年

董嫗諸生韓默家老婦也 大兵下揚州默夫婦及長子俱自盡惟幼兒魏在襁褓默婦預乞嫗護持之嫗泣諾懷兒匿死屍下祝曰韓氏不絕其無啼兒果不啼事

定嫗育魏成立將婚媪年已八十且病篤輿至新婦家曰郎君才人幸勿以貧易之歸遂歿魏入太學以詩文名設嫗主祀如母焉

李氏劉有恒妻劉卒李嘗散粟濟貧孫長發成進士李猶布蔬勤劬年八十終

黃氏佃農王華京妻生二子長十歲次七歲京死族人欲嫁之時伺其隙氏謹飭無可乘族人謀於土豪約日強娶其晚哭拜京靈遂自經

朱氏陳端木妻陳墮水死氏守貞三十三載敬事孀姑至老三子三女皆婚嫁長子炳食餼於庠

劉氏高孝行妻乙酉揚城破孝行爲兵掠去而父兄橫屍在室劉守八日始得棺埋故塋孝行竟不返劉積勞病癱瘓十五年卒

張氏陳楫妻楫嗜學早歿氏欲以身殉鄰婦防之無間一夕婉言遣鄰婦歸縊死夫棺釘上次日衆鄰婦見屍聚哭爲置棺殮合葬焉

高氏進士策女年十八適曹啓元甫一載啓元歿遺腹生男族屬欲利其有百端搆釁氏不爲動保護遺孤成立養孀姑至孝守節數十年

于氏貢生程浩繼室年二十嫁時浩已得疾侍湯藥閱四十餘日浩死氏撫育前妻之子以佶及孫熾昌皆入學苦節四十餘年

張氏名啓汪汝萃妾汝萃死張與嫡王氏不相能其母家有姥以張年少勸之嫁不應其母亦強之張慟嘔血欲自殺母乃不復言守節終身而卒

鄭氏適金世珍僅彌月珍卽歿鄭年甫笄立猶子俊生爲嗣守節至八十餘卒

朱氏江都太學生湯德化妻年十四歸德化姑歿事翁敬養有禮未幾德化又亡遺孤肇修甫四歲氏備歷艱苦撫之成人長補庠生朱年踰六十孫彭年康熙丙辰

進士

裘氏明庠生狄崇謙妻乙酉崇謙遇難裘時年二十一歸寧杭州後回夫家守節歷五十二年歿

程氏顧愷臣妻年二十七寡撫子孫成立至八十四歲終

顧氏諸生盧日升妻夫死氏年二十八勤教遺孤英後英以康熙丁巳舉於鄉

宗氏邑諸生朱萬昌妻萬昌早逝宗躬操織紉課子成立

葉貞婦字汝兼少司徒相孫女幼讀孝經列女傳通其

義適文學李森早世無子嗣兄弟之子爲後冰蘖數十年龜手緝統以所積塋翁父老無子操針不輟得直以佐父甘旨人稱其節孝咸備云

任氏凌思賢妻思賢死泣血三年殯塋成禮隨自縊

洪氏太學生吳允良妻允良亡撫孤蓮成立茹蘖衣鶉苦節三十年

高氏李和妻和歿氏守節撫孤以織紉易饗殮荼苦伶仃六十載操作如一日題旌

沈氏光祿丞郝璠妻璠卒氏年二十六子士儀方幼氏矢節撫孤乙酉高傑兵擾揚氏挈孤避江南獲免勁節

四十五年歿士儀字羽吉博學篤行著有損齋集  
孫氏增廣生朱紱妻紱逝孫苦節三十餘年紡績以教  
三子俱補邑庠生孫後病篤子夔與麟同禱於神夔割  
乳麟刲臂以飲母立愈兩子竭力以營甘脆四十貧不  
能娶先是紱割股救父紱長子京亦刲股救紱至夔麟  
凡四見里人紀其事爲節孝合傳

程氏姚曠吾妻曠吾死遺孤三歲程年十九撫之成立  
及生孫而子死程又撫孫孫亦死撫孫女出嫁煒煒五  
十年備歷艱辛年八十依孫壻終焉

卞氏丁昭朗妻朗死卞年二十七遺孤在抱家貧數米  
而炊守節六十年歿

陸氏張學周妻學周死守節五十年

王氏黃恩賜妻夫早死家貧孤弱撫之有立苦節五十  
餘年

金氏陳嘉誼妻十七嫁十八孀育子奉姑竭心盡力終  
身齋素守節五十八年歿

周氏生員趙自新母苦節五十餘年舉二子自新日新  
俱早世長媳姜氏事孀姑撫教遺孤延吉延慶成名次  
媳巫氏無子年僅二十餘同守志奉姑一門三節閭里  
稱之

江都縣志 卷一 一  
許氏邑廩生李元中妻年二十元中亡遺孤襁褓矢志  
守節孝養孀姑甘貧教子五十年子銘鼎銘岱皆有聲  
庠序

許氏歸吳興宗年二十七而興宗歿遺一女二子皆數  
齡姑程氏祖姑湯氏皆孀老家貧甚不能具甘旨許織  
紵紡績以養及歿殯葬皆如禮撫子女有成食苦茹荼  
四十五年卒年七十

顧氏適諸生盧喬新喬新歿糲食絺衣課六子有成其  
幼廷簡順治乙未舉武闈第一顧年八十終

閻氏布政閻士選女適庠生郝雲龍李氏中丞李植女

適雲弟承龍雲龍年十九卒承龍繼卒閻氏年十九李  
二十有五共矢栢舟五十年如一日郡邑咸旌異之

羅氏曾襄愍公會孫士芬妻初姑疾刲左股療之既而  
夫病復刲右股夫亡遺孤恂甫十歲家甚貧冬常衣葛  
無寒苦色子長娶婦吳氏未幾子又亡遺孤孫纔二歲  
姑媳同訓之成立備歷艱苦至七十七歲卒

楊氏劉萬妻萬歿楊時年二十撫孤植節歷五十年孤  
應元娶婦張氏應元亦早歿張守志如姑而事姑惟謹  
生子士隆娶婦王氏士隆又早卒王亦守志不移三世  
皆以節著士隆子肇錡康熙己卯舉於鄉



陳氏歸諸生林朝用年二十餘夫逝撫幼子奉孀姑慈孝稱於里中年七十五卒

郝氏庠生郭茂春妻春死氏痛夫志未遂矢節教子貧不能延師於榻前設書案課子手則紡績口則訓誥其子衡炆貢生焮燧庠生閱五十八年

王氏瞿之金妻夫早亡艱苦備歷守節三十五年

張氏雷士儀妻先世涇陽人居江都歸五年而士儀病歿張年二十三遺腹生男越五年又死張誓不欲生舅姑乃以弟子爲之後張撫之成立苦節數十年而卒  
史氏饒寬妻寬讀書貧而好施家日落歲饑斗米千錢

史日夜勤女紅以活數口寒甚衣無絮夜不得火藉草數莖抱子挑燈縫紉不輟子眉習經書皆史督誦長爲邑諸生史以喪母哀慟卒

何氏名珍適新安程晉生晉生善病久不愈氏割股肉療之及歿無嗣何哀毀誓以身殉弟起泰憐之請以已子嗣氏曰以何繼程非禮也及葬畢遂絕粒死年二十四

張氏金元生妻元生卒張年二十遺一子在襁褓誓守苦節家貧以女紅養舅姑伶仃五十載撫孤成立

王氏邑諸生徐宗健妻宗健讀書攻苦嬰疾死王痛夫

志未酬遺孤元美幼日夕課訓守節三十五年元美以順治丁酉舉於鄉

夏氏許字張昌祚未婚昌祚歿氏至祚家守節事舅姑二十五年歿

饒氏庠生閔仲文妻順治十六年海賊破瓜洲仲文被執氏破壁出投井死

沈氏嚴惠妻己亥海氛惠闔室避入瓜洲城城破惠先投井氏繼之越七日氏浮水上人始縋之并得其夫屍熊氏侯應遂妻己亥海賊破瓜洲應遂爲賊掠氏以繩結戶樞縊死

茅氏卞時璧妾順治己亥海賊犯鎮江氏卽語人曰人惟立志死不足畏也及賊自瓜洲遁追兵入城氏倉皇匿床下以重物壓其上一卒知有人匿其內疊呼不應遂亂刃之血膏地而死

魏女字朱氏子未嫁海賊薄瓜洲投井死

汪氏瓜洲鎮民焦漣妻死海寇難甚烈

熊女字卞氏子海賊陷瓜洲諸婦女爭相伏匿女獨不可曰賊最黠無可避也赴井死

沈氏范起鳳妻鳳負販爲生鳳死沈年二十六長子七歲次子生四十日有勸之易志者氏携二子結草屋夫

墓傍以織紵為活後二子皆成立年六十餘卒  
龔氏年十七適戴士龍未幾士龍歿忍死守節五十餘年卒

溫氏蕭維墜妻年十八維墜卒子方襁褓家甚貧傭針自給撫孤成立年七十九卒

戚氏泰州人適江都太學生于應鰲少寡守節七十餘年卒

孟氏女念父老無嗣終身不字事父四十七載迨父歿殯葬成禮同庶母陶氏祝髮為尼

許氏監生汪廷柱妻年二十九夫歿於旅邸生遺腹男

顯儒氏教子守節歷年八十有三無疾而逝

韓氏仲之彥妻夫故守節教諸子皆成立歷年八十餘

長婦黃季婦張俱以節烈著人咸謂姑訓云

汪氏吳道昌妻昌病氏年二十一割股救不愈遂守節

三十年教子驄成名

李氏趙天祿妻天祿死李年二十誓死守節撫遺孤有仁成立

李氏高向明妻年十九適明三月而寡遺腹生一子姑疾剗股療之翁歿於秦扶姑柩遠涉三千里為之合葬

守節五十三年康熙十八年與旌表

江者縣志 卷十一  
程氏監生江九臯妻年二十六寡撫孤苦節康熙二十一年與旌表姪激妻汪氏二十七寡依程一室相守亦同旌表

周氏邑廩生龔溶妻夫病刲股弗救年甫二十五二子襁褓矢志撫孤蓬蓽蕭然猶研朱點畫口授二子經書卒年六十三子枚諸生次祐貢生

劉烈女名元英劉應麟女字李繼中年甫十六繼中病死元英聞訃涕泣絕水漿七日自縊於寢直指以聞建坊旌表

俞氏車從軻妻王氏軻弟從輔妻乙酉歲軻兄弟皆死

於難俞年十九王年十八同矢志守節而家甚貧以紡績自給俞一女無子王一子中年而歿復同撫孤孫俞年七十餘歿王年九十餘歿

扈氏史記書妻夫歿扈苦節四十餘年親督耕墮水不  
死隣火及其廬遽熄鄉人謠曰史母節水不濡火不熱  
子箴纂皆諸生纂妻王氏亦極孝刲股以療姑病

楊氏林時履妻夫早喪二子俱幼氏矢志苦守長子士  
佩娶卜氏孝事孀姑姑病刲股和藥後值夫歿自經姑  
救之遂絕飲食旬日而死

潘女名宗嫺宜陵人許字黃玉韞未婚黃死潘聞訃卽

更衰經誓以死其母防之甚密卒乘間縊於臥室  
湯氏張椒頌妾頌以老無嗣而置氏及邁欲遣之誓死  
不從頌死賣繡營齋裹土造壙事竟乘主母他出衰經  
傍靈几自經

厲氏阮秉謙妻夫亡守節年七十三卒子樞忠登康熙  
庚戌科武進士

李氏邑庠生蔣以善妻善早逝同側室張氏矢志守節  
教三子勤學歷五十餘年長子銓國學生次鎧壬子拔  
貢次鍾戊子恩貢孫翹雍正丙午舉於鄉

李氏前進士王玉藻妻中丞李植女也明末玉藻官於

南後歸里有田一項夫妻躬自刈穫安貧以老子方岐  
以克遵母訓聞

汪氏邵伯鄉人于球妻乙酉城破球死氏亦自剄傷而  
不死遂不更嫁苦守四十餘年

范氏鎮江工部尚書崙之曾孫女適江都舉人于元璜  
元璜公車北上值海寇犯江上被獲賊露刃脅之欲挾  
以去氏奮罵不已賊怒刀劈其腦罵愈厲遂被害時年  
二十一

蔣氏兩廣督標副將李英妻英奉檄往桂林值孫延齡  
叛英奔還氏訣別曰君爲國忘家妾爲君忘身兩無憾

江都縣志 卷一  
矣索鳩懷之及逆屠城遂服鳩而死督撫題叙建坊  
旌表墓在江都淮子橋北

史氏俞國賢妻年二十八夫歿遺孤甫三月撫之成立  
守節四十二年康熙四十二年請 旌表一女字陳之  
韞未婚守節雍正元年請 旌俱 准給銀建坊

趙氏諸生史嘉節妻性端嚴知書夫疾趙刲股救之及  
卒生遺腹子進義家益貧傭紉自給以書口授其子稍  
懈輒朴之曰吾不忍史氏書香自汝絕也苦節以終其  
子補諸生

王氏舉人李鑰妻舉人王彬長女也歸五載鑰卒生二

子一女曲盡撫訓之方姑疾篤焚香籲天刲股療之尋  
愈子同聲康熙己丑進士四十四年

聖駕南巡御書節孝可風四字賜之

程氏孫繼士妻年二十四夫亡遺腹生一子守節撫孤  
終身不衣紈綺不聽音樂至八十九歲歿康熙四十三  
年題請建坊 旌表

周氏太學生田士英繼室生子見龍甫六歲士英歿氏  
欲殉節不食者五日見龍亦不食乃忍死守節撫孤年  
至九十康熙四十四年

聖駕南巡賜御書節壽二字

湯氏監生李天球妻年十九夫亡事舅姑撫二子守節三十六年康熙四十七年題 旌

汪氏諸生程湄妻翰林汪楫妹也十七歸湄湄遭疾歿氏年甫二十有一矢志撫孤姑老病氏刲股救之苦節四十餘年子以儼中武舉

韓氏進士燦女貢生周師旦妻年十五歸周三載生子以忠未週歲師旦病歿氏事孀姑撫孤子姑病瀕危刲股調羹救之以忠卒能成立學道邵嘉旌其門

池烈女貧家子幼喪母及笄父以字吳氏長子廷望望從軍死於粵吳欲改配其次子親迎有日女知之伺其

父出自縊

霍九女民家子生十九年矣事父母婉容愉色以孝稱許字李正榮甫十日正榮死女號慟自殺以殉通里義之爲舉其喪與池烈女仝葬於平山堂之右學使楊中訥爲之銘曰蜀岡之巔平山之側鬱乎蒼蒼憑高西望而嘆息曰有同邑二烈女此其幽宅

吳氏張復陞妻嫁時年十六事孀姑以孝聞姑病久刲股肉代藥病竟起年二十九夫卒有三子一女氏以女工自給養姑教子皆有禮法康熙二十三年題請建坊旌表

江都縣志 卷一  
鄭氏中丞茂華孫女也適廩生閻麟生氏幼嫻詩書動以古列女爲法夫病卒絕食者六日夫葬虞祭畢遂自縊遺詩曰結髮情意重拋撇兒女歸傷心千古慘烈鳥願同飛有司加旌獎焉

洪氏方立禮妻事繼姑汪氏汪有已生子媳於氏弗愛也凌虐備至氏怡然承順惟恐立禮知也立禮歿氏哀慟十餘年未嘗見齒淚常盈睫一目遂枯

黃氏儒生高從龍妻值兵亂氏以避難損足奉竺乾刺血書經及龍歿撫二子大忠大貴皆成立氏疾危次子刲股肉回生年逾七十母子節孝著閭鄙間

朱氏適黃家瑄未三年夫歿傭紉課子苦節三十餘年子正立諸生

李氏太學生張述繼妻撫前妻子女若已出述死李年二十五止生一女後女死長子與孫亦相繼死李苦節四十一年而卒

吳氏程宗孟妻年十八適宗孟宗孟病割股救之弗效二子幼家甚貧窘吳手紉以給饘粥後避兵山中虎咆哮而前吳祝曰婦身可啖孤子不可啖也以身翼兩兒虎遂去人以爲苦節所感旣卒子其祿廬墓五年

謝氏蒯明宇妻明末宇死遺孤相生甫四歲撫之守節



四十八年壽七十三其孫蒯柱早歿無嗣孫婦高氏年甫十九守節歷二十九年卒且無嗣尤可憫焉

葛氏張文德妻文德爲蘄水縣丞流寇犯蘄死之氏間關護喪歸里時年二十八二子一女皆在襁褓氏紡臬自給奉姑曲盡孝養教二子有成巡鹽御史李贊元郝浴皆旌表之

楊烈女黃珏橋人許字程氏未嫁而程氏子死喪過其門烈女號慟不食父母勸之女曰已許程爲程婦寧論嫁不嫁乎已而自縊

王氏秦應正妻年二十六而寡苦節三十餘年乙酉携

其子避兵備極艱苦卒免於難子之俊登賢書

鄭氏高植繼室夫歿厲節撫孤嘗值險阻義不受辱至毀體流血克全貞操子策及孫採皆武進士

謝氏名景韞適邵曰強甫二載值兵強與弟立及祖母叔伯皆罹於難立聘劉氏聞立死亦自經時謝氏從舅姑避兵吳陵子方在襁褓聞夫歿不食數日從父命撫遺孤教之成立苦節五十餘年

汪氏歙縣人後居江都適洪正宜家貧舅老且病薪水藥餌悉汪氏傭針以給正宜早歿諸孤皆幼汪氏力營殯葬撫三子良儉良伊良俛皆成立

申氏中書維翰女文學郝錫信妻也年十八夫歿教子  
沉讀書事舅姑盡禮苦節凡數十年

王氏進士玉藻長女適喬稟家甚貧氏傭紉以事舅姑  
稟歿課三子皆成立

李氏黃起龍妻年十九夫歿遺姪三月每夕仰天泣拜  
求生男既而果得男名天嗣教之成立任睢寧學博氏  
年六十八卒

張氏前指揮張恒孫女歸邑學生金玉節以哭母成疾  
夫卒益哀疾益甚延三十餘年卒

金氏吳德宣妻夫亡家道中落時金年未三十撫兩幼

子以節終

甯氏陳治道妻年十六歸治道甫一載夫歿遺孤越數  
月又殤上有雙親家徒四壁姑病七年朝夕侍奉勿倦  
有以夫亡子夭勸氏改節者氏弗答守節歷五十七年  
朱氏喬元馨妻歸二載而夫歿子甫週歲氏含辛撫孤  
奉養舅姑唯謹終三十年足不出閫卒時異香盈室人  
咸異之

陳氏季光第妻夫亡氏年二十七歲寡居茹苦至六十  
四歲終媳劉氏亦二十七而寡撫遺孤夢英成立婦姑  
俱稱貞操

高氏林石臣妻十六于歸十九夫亡子士儀尙在襁褓翁抱重恙高刲股爲餽翁疾愈

鄭氏舉人秦之俊繼室夫病篤刲股以進不效撫孤苦節三十四年

胡氏諸生王國本妻年二十六夫歿苦節自矢教育孤子歷五十八年子任曾孫夢旂皆補諸生

余氏劉居蓮妻夫歿守貞四十餘年年七十八卒

陳氏梅調鼐妻于歸甫及二載夫歿苦節三十餘年

丁氏張均妻均亡丁年二十八守節終身撫孤成立

吳氏周珽妻順治十六年海氛及揚珽死於賊吳年始

二十撫一女守節四十餘年

姚氏年十六適闕憶生三子閱十載夫歿氏誓死撫孤苦節六十餘年

仇氏李杜文妻年二十四夫歿守節四十餘年

周氏前光祿署正喬可傳妻年十六歸可傳閱十載夫歿生二子方在襁褓氏備歷艱辛傭紉教子後次子死遺孤孫氏撫之成立苦節五十年

劉氏湯志遺妻年三十志遺歿氏矢志守節奉翁姑甘旨無缺撫子成人歷五十三年

魯氏大橋鎮顧起隴妻年十六歸隴隴歿無子立姪九

錫爲嗣茹荼苦節歷數十年孫圖河康熙甲戌榜眼  
郃氏王肇鎬妻夫歿氏年二十八茹苦守節至七十有  
二歲無病而終

程氏顧養正妻于歸未三歲而養正歿氏年二十食貧  
守節撫一子苦歷四十餘年

潘氏生員汪清妻清卒幼子方在襁褓氏苦節自矢子  
長皆自課之年六十卒

閔氏生員吳瓚妻嫁六年而寡撫庶出子洵成立洵又  
先卒復撫孫杓苦節歷四十年康熙三十八年題請建  
坊旌表

糜氏林堪妻堪歿苦節自矢年七十餘卒

馮氏生員陳維世妻維世歿馮守節撫孤歷三十餘年  
子康爲邑諸生

睢氏殷其雷妻其雷死子甫三歲睢撫之歷四十餘年  
王氏朱應時妻應時亡王事舅姑育孤子守節六十年  
王氏于應聘妻年十九歸應聘未浹歲而寡遺腹生男  
名桂叢教之成立氏終身茹素苦節四十七年

宗氏桑應奎妻夫卒年二十九撫兩子事舅姑最孝家  
無宿春日營紡績以給守節四十餘年

查氏金瑞玉妻瑞玉早歿氏年甫三十姑邵氏以家貧

諷其改節氏截髮矢志撫五歲孤堯年薪米之費悉出女紅教堯年讀書成立苦節歷四十年

曹氏朱坪妻坪有隱德善醫曹每出簪珥購藥助其施予坪歿曹茹蔬終身

王氏適新安吳伯順伯順歿子女俱幼家貧甚氏以女工自給訓子有成苦節三十餘年

顧氏貢生鷗民女適諸生王晉中年晉歿顧苦節三十餘年

王氏孫肇符妻年十九夫亡撫遺腹子奕葉後葉授室殷氏生一女葉卒殷亦以遺腹生子年二十五年八十

有二殷年六十有一里中稱一門兩節焉

葉氏貴秉敏妻敏歿氏守節撫幼子三人及皆成立曰吾今可見夫於地下矣遂大哭而絕

楊氏余三台妻守節數十年教子鼎升成家

陶氏武科張敏母夫逝持節不渝教子成名

陳氏蔣有譽妻生二子有譽歿氏堅持苦節撫孤有成四十餘年家賴以振

朱氏諸生黃灝妻年十九灝歿生遺腹子宮擅苦節自矢歷數十年

彭氏汪周鼎妻鼎亡氏年二十八苦節撫孤五十餘載

汪氏許字馬恒未婚恒歿汪年十八願歸夫家守節恒父母以恒姪曰楚爲之嗣汪布衣蔬食守貞三十四年卒於康熙四十四年旌表建坊

梁氏生員蕭維垣妻年二十九垣歿茹荼植節五十餘年子說爲諸生

曹氏王士美妻年二十八而寡撫孤安貧守節三十餘年

吳氏汪壽岳妻翁病劇割左臂肉進之立愈未幾夫歿於外櫬返復割右臂肉以奠曰所不與君養老成孤者有如此肉後以子貴封太淑人

譚氏孟宗孔妻事姑舅以孝聞舉二子教之有成

李氏季光先側室光先歿李年二十九苦志守節紡績教子子良謨國學生

楊氏程廷珏妻年二十七夫歿子錫昌甫二齡氏紡績撫孤成立晚好施捨鄉里多沾其惠年八十餘卒

沈氏俞廷燮妻燮歿氏守遺孤成立歷五十餘年

張氏許繼周妻繼周歿苦節三十餘載

鄭氏何嗣昌妻嗣昌病劇氏割股以療越一年夫卒遺孤方在襁褓撫之成立苦節三十年

石氏鄉農石子珍女陳邦立妻嫁四年而夫歿子長年

甫二歲氏食貧無二志以清明日掃夫墓歸慟哭自縊  
蘇氏母疾刲股以療歸附貢生韓奕姑病氏復刲右股  
進之其季媳李氏年十九夫病篤刲股不能救請於堂  
上繼伯子嗣齡撫育教誨歷四十九年

張女許字庠生劉用恕未嫁恕歿年二十父母更擇配  
女不從亟請歸劉事翁甚謹翁以貧又欲嫁之氏聞斷  
髮破面誓不欲生惟紉績以養翁逾三年歿

蕭氏賈寅生妻年二十七夫歿立嗣勵節四十二年

俞氏蕭日曠妻日曠割肝救母歿俞年方二十五歲奉  
事舅姑家貧甘旨皆資其十指舅姑歿拮据以殮殯塋

皆竭力中禮守節四十九年終雍正三年題 准建坊

旌表里人祔祀於梅花嶺日曠祠

楊氏張澈妻澈死楊年二十遺子尺木甫週歲食貧訓  
子補郡諸生先後娶二媳皆歿各遺一子又躬自撫育  
及於成立年七十三卒

楊氏庠生陳應鳳妻夫歿氏年二十八遺子華尚幼茹  
苦教子官秀水知縣氏年八十

俞氏蕭廷芳妻年二十而寡矢志撫孤子長娶婦生孫  
後子孫相繼亡媳亦改適蕭遂依母家紡績自給卒年  
六十二

江都縣志 卷一  
蕭氏石嶠妻事夫致敬夫亡哭晝夜不輟瞳子墜焉由是飯不稻米啖麩餅八年歿

汪氏黃應聘妻二十三歲夫亡孝養孀姑撫子成立計守節六十年於雍正元年題 旌

吳氏汪文斗妻方迎娶輿甫及門文斗以暴疾歿氏聞悲悼求赴父母不許氏截髮毀容誓必死父母聽之遂往爲文斗執喪舅姑心惻爲之立嗣守節三十七年雍正二年題 旌

王氏中書方成可側室夫疾革時王年二十呼至榻前畀以金帛遣嫁王撫床號慟截髮自誓夫故卽屏居小樓惟於朔望下樓一謁其嫡撫子成立計守節四十二年雍正七年請 旌

錢氏卞玉相妻年十九適卞夫已卧疾二十二夫歿事太姑暨翁姑盡孝守節三十七年嗣子之塗歲貢生雍正二年題 旌

蕭氏孝子日曠女歸高成英生子女各一年二十七英卒荼苦守貞英弟成業敬事寡嫂撫其子女如已出未幾業卒妻俞氏年未三十無子守志妯娌以讓以和稱一門雙節

張氏耿大廉妻年二十四寡生遺腹子兆昌守節五十



年以歿雍正三年 旌表

俞氏徐裔蔚妻年二十二寡守節四十五年侍祖姑病便遺皆手自洗滌姑歿賣釵餌以為殮撫二子俱成立

雍正四年 旌表

錢氏卞咸亨妻年二十五夫病刲股進之不效誓隨夫死祖姑力勸之方止勉撫一子一女而孝事祖姑計守

節二十年雍正四年 旌表

楊氏庠生郭綏妻年二十而寡奉舅姑育孤子守節三十七年雍正四年 旌表

湯氏吳願臣妻二十二歲夫歿家貧苦節操作以事翁

姑計守節三十三年雍正四年 旌表

徐氏吳敦佑妻二十四歲夫歿無子跪求孀姑程氏以嫡姪立後撫之成立守節二十九年雍正四年 旌表

韓氏李弘涵妻二十四歲夫病刲股以進不效韓矢志

撫孤計守節三十三年雍正四年 旌表

仲氏藍應舉繼妻二十八歲夫亡甘貧守節五十五年

雍正四年 旌表

居氏王待聘妻年二十四夫亡子未一週居親自操作訓子成立守節三十一年雍正四年 旌表

程氏吳念祖妻年二十一夫歿苦節撫孤四十一年於

雍正五年 旌表

王氏鄭毓琮妻二十四歲夫亡後其翁客死江右王盡鬻其產倩人輿柩回里營葬事嫡庶兩姑俱極孝嫡姑歿殯殮尤盡力焉繼一子又隨歿苦節三十二年雍正五年 旌表

閔氏巴士遇妻年二十四夫歿撫孤矢節奉孀姑盡孝歷三十三年雍正五年 旌表

羅氏吳植松妻年二十六夫亡於西粵親往扶柩葬於祖塋扶孤守節四十三年雍正五年 旌表

馬氏胡重英妻二十二歲夫歿守節四十七年雍正六

年 旌表

朱氏淶洋湖虞大義妻婚後期年大義死姑亦相繼歿大義兄大典欲奪朱志朱不從引刀扼吭穿其喉三寸許死年二十二

吳氏程昊孝妻二十九歲寡撫孤守節二十六年

季氏高以遵妻年十九夫亡有二子叔利其遺產逼令改適季投繯投井並爲人救不死乃携二子避出以女紅自給悉棄其所有與叔俟二子成長至七十四歲終王氏高克標妻年二十六夫亡事祖姑與姑及歿殯力營殯葬撫三子俱成長苦節四十年至六十六歲終

王氏鄭祖怡妻年二十九寡事孀姑育襁褓子苦節三十五年

汪氏方文學妻夫歿年二十七無子請於舅姑立姪天育爲嗣撫養教誨如所生苦節二十一年康熙丙子天育舉於鄉

鄔氏劉國鼐妾夫卒遺二孤長甫二歲次未一月氏守志撫孤歷三十餘年次子謙應正癸卯舉於鄉

陳氏韓汝舟妻夫早歿無子苦節終身曹氏庠生韓汝泰妻年十七夫亡撫遺腹子根定苦節數十年

孫氏吳兆熊妻嫁三年熊病劇孫割股肉兩片血濡衣

裙暈而復甦熊竟不起後二日孫哀號創裂而死

李氏宋丞相庭芝後適高士衡衡卒撫遺腹子茹苦奉姑姑病劇割股以救守節三十年

楊氏年十六父病割股獲愈適庠生樂世采姑病又割股肉療之氏妹適卮玉紳夫亡年十九矢志撫孤子復天氏歸依父家後繼姪長松爲嗣婚娶皆出女紅守節終身

程氏進士文正女適監生江曷曷疾氏割股屢進不瘥踰兩月以悲痛死

姜女幼字趙南山未嫁夫亡氏往弔誓死其母強之歸

是夜飲鹽滷數盃而死縣令張瑀表其墓

吳氏陳樛妻夫病篤泣禱於天請以身代絕食成疾卒後夫病尋愈

秦氏高克閭妻年二十夫亡吞金欲殉不死乃守節嫁其二女立姪爲夫後卒

萬女名康淑幼字袁氏子袁病殤女請往視殮父母不可女於邑登樓自縊死

周氏汪沂妾年十九生子彌月沂歿嫡憫其幼令改適周抱子哭矢志勿二及子汝樑婚方有孫而子媳相繼歿周更撫孫時照成立娶孫婦閔氏生曾孫培時照又

早喪周偕孫婦閔氏撫培至七齡年六十九歿閔撫孤子培家益貧紉績拮据爲培婚生子名甫四齡培復亡閔偕婦張撫孫亦如周偕閔之撫曾孫焉閔年廿六而寡歿年七十五培妻張氏撫孤時三十六壽八十五矢節之年與周閔等凡四世各苦節五十年

鄒氏適萬氏子萬貧而無賴鄒姿頗麗諷之以不貞鄒恚赴水死

徐貞女縣學生復之女許字同里閭班生未及娶而班生歿貞女聞欲臨喪家人以禮阻之遂誓死不更適人依寡母樓居二十年幅巾覆首綉大士像一軸懸之室

中晨夕禮拜茹素終身後歿於母家

范氏杭一震妻年二十一夫歿遺腹生男苦守三十餘年

葛氏高子碩妻守節今三十六年

王氏周士英妻二十一歲夫歿守節五十三年

歐氏潘大謙妻二十二歲夫歿守節五十二年

高氏貢生蕭廷瑞妻夫早歿守節至八十一歲卒

陳氏魏學祖妻年二十一寡事病姑立姪爲學祖後守節四十四年今六十四歲

陳氏葛亮妻亮故貧歿父母俱存遺三子氏紡績以爲

事育口授諸子經書子稍長以夫所著四書講義授之曰此爾父心中血也子崙乃手輯板行之陳守節五十餘年子崙諸生崙歲貢生

奚氏舉人史奭妻奭早逝奚撫遺孤克欽成立年踰六十卒

裔氏年二十四適孫大成大成母及二女俱不潔氏返母家語其母以死誓不辱及還姑與二女方同客歡飲氏恥之乃扃門縫紉其袷袖以青白線二縷自經死知府孔毓璞爲立墓於雙烈之側

程氏貧民項起鵠妻婚甫三月起鵠賈粵西死於岑溪

縣雍正三年十月訃至氏號慟辭舅姑并囑小叔以善  
事二老遂自縊里人葬於平山雙烈之右邑令王元稭  
爲下拜題碣曰烈婦項程氏之墓

朱氏簡士德妻夫歿撫遺腹子成立守節三十三年

樊氏焦必萃妻年十九夫歿撫遺腹子成立守節四十  
四年

周氏監生湯啓哲妻年二十二寡苦節二十餘年

戴氏韋尚義妻夫歿赤貧苦節二十年

黃氏王子林妻二十五歲夫歿苦節撫孤三十五年

童氏韋之珩妻苦節三十餘年

羅氏胡錦雯妻二十五歲夫歿守節三十一年

鄭氏閔行妻二十八歲夫亡撫孤奕僑娶婦姚氏姚方

二十七歲奕僑客死淮北襁負其子華渡河扶櫬備嘗

艱苦二寡一孤熒熒相守鄭守節三十五年姚守節三

十年

王氏庠生史品節繼妻二十四歲夫歿守節至今四十  
八年子道義府學生

朱氏裴晉駟妻年十八于歸閱三月夫歿守節二十九  
年今四十七歲

江氏庠生蘇廣妻年十八于歸閱六月而夫歿撫遺腹

江都縣志 卷一 一  
子允德年十七補諸生娶婦曹氏二年允德歿曹年二十四歲事姑撫孤備嘗艱苦江守節四十八年曹守節二十四年曹子蕃入江都學

張氏潘人傑妻年二十九夫亡守節事八十之翁撫七齡之子歷今三十六年

馮氏丁某妻守節三十年婦朱氏守節亦四十年

姜氏徐恒初妻年二十八夫亡守節至八十六歲

李氏庠生瞿日升妻年二十餘夫歿守節三十年

丁氏姜履坦母二十五歲夫亡守節今年踰九十

奈氏吳學仲妻二十九歲夫歿守節五十年

高氏貢生耿鳴球妻二十六夫歿守節二十餘年

許氏字庠生李清智未婚清智歿氏聞服衰麻至喪所憑棺大哭遂留事翁姑不五年病歿

方女字仇觀瀾未婚而寡女號慟欲歸於仇兩家俱阻之不從遂歸仇氏茹素衣縞垂二十年邑令蔣鶴鳴旌之曰媲美共姜

吳氏幼字仲立本立本未婚歿氏奔喪至其家孝事翁姑雖至戚不通半語未幾翁歿家益貧氏紡績養姑歷三十六年邑令張有觀旌之

郝氏孟賜榮妻年十八夫亡上事翁姑下撫孤子苦節

十八年而歿

蔣氏朱時麟妻夫亡守節撫子鳴岐鳴荆俱入學年五十餘歿

宋氏庠生張淑妻二十五歲寡奉姑至孝姑歿柩在室鄰火將及之宋號泣拜禱火即止守節三十年歿

蔡氏桑延齡妻二十歲夫歿守節六十一年

薛氏主簿徐爾揚妻守節今四十八年

高氏監生郭琦妻守節今四十年

湯氏庠生朱泓繼妻于歸歲餘泓歿湯年二十六撫前婦子繩如已子守節今三十二年

張氏孫鼐妻二十四歲夫歿撫遺腹子守節三十五年

王氏史克統妻年十七于歸半載夫歿值翁病氏割股

和藥進之與孀姒趙氏竝姪女效廉同居守節今二十

七年

徐氏蕭廷璘妻姑朱氏衰年齒落以乳飼之鄉黨稱其孝

李氏蔣學禮妻姑老疾數月不解衣帶學禮死李年三十苦守三十餘年而歿

饒氏庠生王業昌妻喪夫遺孤二歲盜劫其家饒置孤子複壁盜索孤火灼其膚終不言而免苦節四十餘年



歿子監生復安妻魏氏事姑孝嘗以舌舐其瘡守節五十四年

彭氏王業中妻守節五十餘年

蘇氏王國泰妾國泰歿蘇矢志撫孤終身不茹葷衣帛歷三十三年歿子宜爵庠生

楊氏杭篤生妻年二十五寡守節三十年

吳氏孫元昭妻夫亡守節三十八年歿

朱氏吳御繼妻二十八歲喪夫有子甫三歲撫之成立今守節三十六年

王氏監生李正東妻年十八夫歿遺腹生一女三黨勸

之改適王誓以死守後依其女以活苦節今三十三年方氏余佳庚妻年二十二夫歿方撫兩月幼子守節今二十五年

陳氏閻苞生妻年二十餘夫歿生遺腹一子上養舅姑以女工易米而子女食麥屑自食糠粃舅姑歿不離柩側者三年今六十有七苦節歷四十餘年

石氏李標繼妻嫁未一年夫歿守節二十六年

張氏陳士坤妻夫卒遺孤八歲守節四十年弟士信亦早卒無子妻凌氏同守節姑疾刲股和藥以進

劉氏黃家章妻夫歿劉苦節數十年撫二子穎鎔俱補

諸生

張氏庠生李境妻守節四十九年次子婦焦氏守節二十八年

張氏侍郎張鵬女庠生李肇斗妻姑病割股和藥以進二十一歲夫亡守節三十年歿

奚氏趙炳蔚妻年二十七夫歿撫四歲孤守節四十六年

劉氏朱應祚妻年二十四夫歿守節五十三年

倪氏蔣士標妻年三十寡苦節三十三年子獻邑庠生喬氏張延慶妻二十七歲夫歿守節三十六年

顧氏生員高鼎牧妻年二十八夫死事姑至孝教子有方姑病夜深潛齋沐焚香籲天求代姑垂沒語氏曰汝孝誰知生無以報死當佑汝子盡成名耳守節四十餘年歿長子元崑康熙戊戌進士石阡知府仲子元崙中丁酉鄉試

奈氏高熊彥妻彥卒奈年十八遺腹生子彭年未幾翁姑相繼沒盡力營葬挈子歸母家或潛謀奪其志奈與孤兒夜投伯高夔彥告以故欲自盡夔留之給衣食焉彭年漸長氏使就村塾天甫明卽迫之出後彭年補諸生未幾復病死氏益貧窘苦節七十一年壽八十九卒

章氏劉鴻功妻守節三十五年

馬氏孫枝藻妻守節五十三年至八十一歲歿

金氏王彥孝妻年二十三生子而夫歿守節五十年

胡氏許士圻妻守節至今三十三年

汪氏湯有虔妻年二十四寡守節今三十餘年

瞿氏貢生趙仙庚妻二十九歲夫亡守志今二十六年

吳氏王元泰妻夫亡守節三十餘年

于氏進士雲石女年十七適庠生李錡早亡遺一子肇

登甫五齡家甚貧氏撫孤守節冬月無絮爨下斷炊族

人勸其改適氏以死自誓至自縊兩次救免苦節四十

餘年肇登餼於庠

鄭氏張世名妻二十一歲夫亡守節四十七年

王氏李元凱妻夫亡割髮矢守歷三十七年

劉氏吳嘉游妻二十六歲夫歿守節三十四年

常氏生員凌祐穎妻撫孤守節五十五年今八十五歲

沈氏賈正妻年二十二喪夫生遺腹子守節今四十年

郭氏朱懋昭妻夫亡守節今五十餘年子珏雍正癸卯

舉於鄉

蘇氏吳漣妻二十一歲夫亡守節今三十年

樓氏鄭國綸妻二十一歲夫歿生遺腹子守節今二十

年

杜氏張之政妻年十六于歸姑疾割股瘳之二十七夫亡翁勸之改嫁不可事翁逾孝歲歉必購米作炊以奉而自食糝糠止一子已娶婦而子天一室二婺二十餘年人不堪其苦而姑媳安之

單氏年十六歸孫寧生寧生病刲股不效纒首柩旁姑救之甦遂矢志事姑姑得痺疾飲食便溺皆手親之數年不懈苦節三十年

汪氏羅芳一妻年二十八夫歿號泣至目青計守節四十五年

孫氏東坤妻坤遠出舅患癰姑患痢孫手滌中裙奉侍百有餘日後姑歿時語曰勞汝一生無以報汝願汝兩媳亦如汝孝聞者感泣

汪氏凌虞士妻年十九夫亡撫遺孤守節今三十六年葉氏黃孝先繼妻夫亡守節今四十五年

史效廉癸卯舉人繼鮑孫女許字張憶木未嫁憶木歿女號哭臨喪嚙指誓不再嫁時寡母趙年七十女日事針黹手種舍旁隙地給母饗殮歲時祭其祖考并及亡夫歷今二十三年矢節彌篤云

楊氏江都東鄉人父木工與市猾曹大相識大聞其女

美爲子強娶以歸大妻素不端見金夫輒與之私欲新婦效之不從乃絕其餐餉以犬豕食不食鞭之千百終不從於是造諸具日肆榜掠楊身無完膚哀號徹於四鄰鄰人共憤鳴之官官執大及其子笞之楊竟以傷重死縣令王元稭爲買棺殮而葬之梅花嶺下不數日大與妻皆暴亡

李氏姚一松妻十八歲夫歿撫孤子守節三十九年

王氏監生黃也山妻年二十七夫歿守節三十四年

仇氏蔣翹妻年二十四夫歿守節十餘年而亡

程氏監生洪元怡妻年二十寡與妾江氏同守節四十

餘年

王氏呂伯雋妻二十九歲寡苦節三十八年

史氏潘永吉妻二十歲寡生遺腹子苦節五十七年

史氏生員錢元禧妻守節三十六年

葉氏俞椿妻年二十九守節撫孤至九十三歲終

卞氏俞廷玉妻守節教子至善洪善俱武舉

陳氏杜天吉妻年二十二夫歿生遺腹子士立守節四

十五年

吳氏項德輔妻年二十三寡撫孤志發成立至七十終

張氏孫愚生妻二十三歲夫亡苦節六十七年至九十

終

汪氏諸生程麟祥妻二十九歲夫歿今守節四十六年  
楊氏張士賢妻年十九夫亡越七日舅姑相隨而歿楊  
疊舉三喪不勝其慘越五月生遺腹子守節今二十七  
年

程氏監生余之衡妻年二十四夫亡育三子守節二十  
年病劇曰前之所以不死者以三子未立也今不從吾  
夫又奚待乎不服藥而歿

殷氏蔣旭妻年二十甫婚兩月夫亡隨執翁喪事哀姑  
鞠遺腹子子復天苦節今二十餘年

龔氏孔學龍妻姑病刲股治療三十四歲喪夫艱難鞠  
子守節今三十一年

翟氏監生吳琦妻守節三十五年

高氏庠生楊宏選妻守節三十二年

孫氏胡高標妻守節三十一年

汪氏王咸徵妻守節四十八年今七十六歲

奚氏潘皚妻年二十七夫歿守節三十年

高氏潘照妻年二十三夫歿守節二十九年

陳氏李友椅妻二十二歲夫亡撫孤守節閱六十年

王氏李友栢妻年十八夫亡撫孤守節至八十一歲歿

何氏李友榛妻年二十夫歿撫二子守節至八十七歲歿

彭氏李友榎妻年十九夫歿守節至九十六歲歿子之璜補縣學生

吳氏高相州妻二十七歲夫亡守節至七十歲歿

鄭氏閔士琬妻年二十夫歿苦節四十餘年

蔡氏姜佩蒼祖母年十九而寡遺孤二歲撫之至長娶婦袁氏二十六歲而寡姑媳相守蔡歷年六十九歿袁歷年四十八歿

閻氏生員周子信妻年二十七夫歿事姑守志康熙己卯河決從洪濤中手挽翁夫兩棺厝之高阜獨支門戶撫養二子守節二十五年歿

韓氏生員潘瀛妻年二十一夫亡立姪為後苦節四十六年巡撫張伯行旌其門

朱氏陳端木妻年三十夫溺死朱事姑撫三子三女守節歷四十餘年今七十七歲

程氏方士鑑妻年十九夫病刲股和藥不效苦志守節歷三十一年

張氏閔天緯妻年十九夫亡撫孤守節歷三十一年

王氏謝廷恩妻年二十八夫亡繼姪捷生為嗣守節四

十七年

馬氏黃履勗妻年二十三夫歿守節歷今二十七年

俞氏許士雄妻年二十四夫歿撫孤守節歷今三十八年

周氏裔翠屏妻年二十六孀守節四十三年

蔣氏生員郝喆妻二十九歲孀守節四十三年

吳氏方敦化妻年二十寡守節今三十二年媳許氏年二十一歲寡與吳伶仃相守今十六年

劉氏周在朝妻二十六夫亡今守節四十三年

蔣氏監生胡起元妻二十六歲夫亡無子以姑爲子孝

事翁姑割股療翁病守節撫嗣今二十六年冬嘗事匾旌之

薛氏張克明妻二十三歲夫亡撫孤守節十八年歿

鄭氏趙嶸妻二十三歲夫亡守節四十年今六十三歲

張氏監生劉光裕妻婚半月夫遠出歸半年夫死家貧以女科醫自給守節今二十年

劉氏張思孔妻二十三歲夫亡守節五十九年終

方氏王煥妻年二十三夫歿守節今三十九年

張氏井養賢妻守節三十餘年

張氏趙君榮妻二十九歲夫歿守節四十七年



劉氏于元璜繼妻二十七歲夫歿守節五十二年

羅氏于仁鑒妻二十四歲夫歿今守節四十二年

季氏于俶鏊妻二十五歲夫歿今守節三十年

鄭氏張駿標妻年二十六夫亡撫四歲孤苦節四十七

年歿

周氏常守信妻守信墮水死周年二十六族人謀奪其

志周斷髮矢志撫二孤苦節三十七年歿

白氏郭士英妻年二十八夫亡事孀姑撫幼子苦節四

十三年

顧氏諸生繆斌妾年二十四寡撫孤守節二十九年歿

洪氏程曙妻年二十九夫亡守志撫子子又歿繼三歲

孫相依至九十六歲雍正元年 賜粟帛

王氏庠生姚典妻年二十一夫亡代夫事舅姑竭力殯

葬又為夫幼弟娶妻生子以延宗祀苦節歷四十年

吳氏王廷傳妻年二十一夫亡無子其翁姑年已六十

尚無次丁及納妾生一子而二老繼歿吳乃撫幼叔長

成盡以遺產畀之而留薄田自給守節歷今已五十一

年

洪氏潘濟遠繼妻年二十五夫亡遺腹生一女并前出

一女矢志苦節三十年歿

萬氏項嘉遠妻年二十一夫亡守節歷今二十七年

孔氏劉士通妻年二十三寡守節歷五十二年

周氏石守義妻年二十五夫亡守節歷三十九年

俞氏潘君榮妻年二十九寡守節六十一年壽九十終

薛氏宋之歐妻年十八喪夫苦節五十餘年

盛氏庠生狄時雍妻年二十一夫亡守節歷今四十餘

年

程氏葉幼禽妻年二十七夫亡事祖翁及孀姑盡孝生

一子又歿苦節歷今三十七年

汪氏吳文升妻年二十四夫亡守節歷今二十八年

沈氏張文秀妻年二十七夫亡守節五十八年

羅氏庠生孫友仲繼妻年三十夫亡守節歷今三十一

年

韓氏進士日起女適庠生喜友龍夫病割股和羹進之

不效守節撫孤娶婦後乃大慟跪夫木主前曰可相隨

地下矣遂絕粒死孫立本庠生娶汪氏亦二十一歲守

節

馮氏寇鍾繼妻十四嫁十六孀家貧紡織撫孤苦節三

十餘年

吳氏庠生方祖耀繼妻二十八歲夫亡守節三十三年

王氏張啓緒妻年十六于歸未期月夫歿孝事舅姑撫姪為嗣苦節三十五年

王氏沈日融妻年二十七夫亡守節四十年

錢氏李日翔妻年二十八夫亡守節五十九年現今八十六歲

汪氏劉廷弼妻年二十七夫亡撫孤守節五十六年雍正元年 賜粟帛

徐氏彭苓妻年二十三夫亡生遺腹子苦節三十五年

子又亡媳張氏亦守節

朱氏黃柳人妻年二十夫亡生遺腹子守節至今

四年

曾氏襄愍公裔孫女國學生蔣銳繼室鈔歿曾撫前妻

四子已一子俱成立完婚娶前妻四子相繼亡曾率子

婦張氏史氏曾氏陳氏皆茹荼苦守誓志不二以撫鞠

諸孫人稱一門五節

鄭氏吳人元妻年十九夫歿一子方襁褓撫之成立守

節三十八年雍正五年 旌表

浦氏宦介公妻年十九夫亡子周歲撫之二十五年子

與媳偕歿又撫其孫苦節五十七年雍正六年 旌表

何氏孟嘉諭妻年二十七夫亡事翁姑盡孝苦節二十

六年歿雍正六年 旌表

田氏龔氏俱許培元側室培元歿時田年二十三龔年二十一俱茹苦守節撫二子成立歷今二十八年

相氏閔懋昂妻年三十夫亡守節今七十九歲

夏氏蔣泗雲妻年二十四寡事舅姑撫孤子苦節五十年至七十四歲歿

程氏監生鄭一桂妻年二十三夫亡守節三十年

龔氏吳自鈺妻年二十二夫亡苦節撫孤今四十六年

陸氏知州應幾女監生郝勸繼妻年二十九夫亡事孀

姑龔氏極孝親授孤子經書苦節二十八年歿子

邑庠生

邑庠生

張氏程炯妻年二十七夫亡撫孤守節十八年

王氏張衍恒妻年二十夫亡惟一女撫之出嫁苦節歷

今二十一年

叢氏太學生楊仁澤妻年二十五夫歿守節撫孤三十

九年卒

割股救翁姑者

劉氏蘇登甲妻 劉氏蘇謙妻 吳氏方伯妻 楊氏

許偓妻 高氏貢生仇為翰妻 程氏汪之炅妻

割股救父母者

孫氏韓日暹妻 朱氏女月恒 王氏馬亮妻 王氏

張宗仲妻 樊氏生員史積璋妻

割股救夫者

王氏吳如璵妻 文氏王詢妻 熊氏王汶妻 錢氏

生員李弘永妻

論曰昔劉向傳列女才德兼收厥後史家表揚專重節烈蓋以女子無非無儀原示以才智先人果能守身矢志臨難捐生即可植綱常維風化歷百世而不泯也我

朝德教漸摩名賢樹元卽閨閣芳規亦大位生

採其事之可傳者各爲小傳倘事或雷同亦復第列其姓氏年歲以垂不朽至閭里中舉報節婦尚在青年未符定例續有表彰留以俟之異日焉

江都縣志卷之十六終





